



Hapšenje u Sarajevu

Safet Hrustić “pao” po potjernici Interpola Zagreb

Safet Hrustić (1970) uhapšen je u utorak po međunarodnoj potjernici na području Sarajeva. Priveli su ga, kako je potvrđeno, službenici SIPA, na osnovu dojave građana, a tom prilikom su kod njega pronađeni falsifikovani dokumenti na lažno ime.

Naime, za Hrustićem je Interpol Zagreb raspisao potjernicu radi hapšenja i izručenja Republici Hrvatskoj zbog sumnje da je počinio krivično djelo ovjera lažnog sadržaja.

- Za istom osobom od strane Italije na području Evropske unije raspisan je nalog za hapšenje zbog krivičnog djela organizirani kriminal u vezi sa krivičnim djelom neovlašten promet opojnim drogama, saopćeno je iz SIPA.



Iz ove policijske agencije su naveli da je uhapšeni, nakon utvrđivanja identiteta i kriminalističke obrade u službenim prostorijama, preksinoć predat Sudu BiH na dalje postupanje radi ekstradicije.

U Sudu BiH jučer je održano ročište na kojem je razmatran zahtjev za izručenje, a kakva je odluka donesena trebalo bi biti poznato danas.

Uz napomenu da nastavljaju aktivnosti na ovom predmetu radi rasvjetljavanja svih okolnosti u vezi sa boravkom uhapšenog na teritoriji BiH i korištenjem lažnih dokumenata, iz SIPA su napomenuli da je ova akcija rezultat partnerskog odnosa građana i policije, te dobar pokazatelj da građani BiH imaju povjerenja u SIPA. **L. S.**